

前漢書


陳仁錫評 六十八之九




漢書門			
二	一	八	三
七	七	八	七
類	號	函	架
冊	冊	冊	冊

內閣文庫			
二	二		漢
九	一		書
函	四		
一	八	七	
六	冊	號	
架	冊	號	

內閣文庫			
番號	漢	2137	
冊數	48 / 34		
函號	279	53	




前



漢

廿肆



前漢書卷之六十八

霍光金日磾傳第三十八

淺草大庫

霍光字子孟。票騎將軍。去病弟也。父中孺。河東平陽

人也。師古曰。中。讀曰仲。以縣吏給事平陽侯家。師古曰。縣。遣

事與侍者衛少兒私通。而生去病。中孺吏畢歸家娶


婦。生光。因絕不相聞。久之。少兒女弟子夫得幸于武

帝。立為皇后。去病以皇后姊子貴幸。既壯大。廼自知

父為霍中孺。未及求問。會為票騎將軍。擊匈奴。道出

河東。太守郊迎。負弩矢先驅。師古曰。郊。迎。於

其至平陽。傳舍遣吏迎。霍中孺中孺趨入拜謁。



後世傳奇
關目俱祖

路也

卷六十八

霍光金日磾傳

一

于此

事極繁亂
文極徑捷

過脉似子
長

將軍迎拜因跪曰去病不早自知為大人遺體也中
音師古曰服孺扶服叩頭曰老臣得託命將軍此天力
音蕭北反也去病大為中孺買田宅奴婢而去還復過焉廼將
 光西至長安時年十餘歲任光為郎稍遷諸曹侍中
 去病死後光為奉車都尉光祿大夫出則奉車入侍
 左右出入禁闈二十餘年師古曰宮中小心謹慎未
 嘗有過甚見親信征和二年衛太子為江充所敗而
 燕王旦廣陵王胥皆多過失是時上年老寵姬鉤弋
 趙婕妤有男師古曰婕妤居上心欲以為嗣命大臣
 輔之察羣臣唯光任大重可屬社稷師古曰任堪也
屬委也任音壬

漢室大闕

屬音之 欲反 上廼使黃門畫者畫周公負成王朝諸侯以

賜光師古曰黃門之署職任親近以後元二年春上

游五柞宮病篤光涕泣問曰如有不諱誰當嗣者師古

曰不諱言上曰君未諭前畫意邪立少子君行周公

不可諱也之事光頓首讓曰臣不如金日磾日磾亦曰臣外國

人不如光上以光為大司馬大將軍日磾為車騎將

軍及太僕上官桀為左將軍搜粟都尉桑弘羊為御

史大夫皆拜卧內牀下師古曰于天子受遺詔輔少

主明日武帝崩太子襲尊號是為孝昭皇帝帝年八

歲政事壹決于光先是後元年侍中僕射莽何羅與

為光傳神
寸載如見

弟重合侯通謀為逆。時光與金日磾。上官桀等共誅
之功。未錄。武帝病。封璽書曰。帝崩。發書以從事。遺詔
封金日磾為柁侯。上官桀為安陽侯。光為博陸侯。文穎
日博大陸平。取其嘉名。無此縣也。食邑北海河東城
師古曰。蓋亦取鄉聚之名。以為國號。非必縣也。公孫
弘平津鄉。皆以前捕反者功。封時衛尉王莽子男。忽
則矣。師古曰。即右將軍揚語曰。帝崩。忽常在左右。安
侍中。王莽也。其子名忽得遺詔。封三子事。羣兒自相貴耳。光聞之。切讓王莽。
莽酖殺忽。光為人沈靜詳審。長財七尺三寸。師古曰。財與纒
同。白晳。疏眉目。美須頰。師古曰。皙。潔白也。頰。頰毛也。
每出入下殿門。止進有常處。郎僕射竊識視之。不失

取作其
偉人

尺寸其資性端正如此。初輔幼主。政自已出。天下想
聞其風采。殿中嘗有怪。一夜羣臣相驚。光召尚符璽
郎。師古曰。恐有變郎不肯授光。光欲奪之。郎按劍曰。
臣頭可得。璽不可得也。光甚誼之。明日詔增此郎秩
二等。衆庶莫不多光。師古曰。多猶重也。以光與左將
軍桀結婚相親。光長女為桀子安妻。有女年與帝相
配。晉灼曰。漢語。光嫡妻。東閭氏。生安夫人。昭后之母也。桀因帝姊鄂邑。蓋主內
安女。後宮為倖仔。師古曰。鄂邑所食邑為數月立為
皇后。父安為票騎將軍。封桑樂侯。光時休沐出。桀輒
入代光決事。桀父子既尊盛。而德長公主。師古曰。懷
其恩德也。

叙次有神

公主內行不修。近幸河間丁外人。桀安欲為外人求封。幸依國家故事。以列侯尚公主者。光不許。又為外人求光祿大夫。欲令得召見。又不許。長公主以是怨光。而桀安數為外人求官爵。弗能得。亦慙。自先帝時。桀已為九卿。位在光右。師古曰。右。師古曰。及。父子並為將軍。有椒房中宮之重。皇后親安女。光廼其外祖。而顧專制朝事。師古曰。顧。猶反也。繇是與光爭權。燕王旦自以昭帝兄。常懷怨望。及御史大夫桑弘羊。建造酒榷鹽鐵。為國興利。伐其功。師古曰。伐。矜也。欲為子弟得官。亦怨恨光。于是蓋主上官桀安及弘羊。皆與燕王旦通謀。詐令人為

燕王上書。言光出都肄郎羽林道上稱趨。孟康曰。都。試也。肄。習也。

也。師古曰。謂總。閱。試。習。武。備。也。太官先置。師古曰。供。飲食之具。又引蘇武前使

匈奴。拘留二十年。不降。還。廼為典屬國。而大將軍長

史敞亡功。為搜粟都尉。師古曰。楊敞也。又擅調益莫府校尉。

師古曰。調。選也。莫。府。大。將軍。府也。調。音。徒。鈞。反。光專權自恣。疑有非常。臣旦

願歸符璽。入宿衛。察奸臣變。候司光出沐日。奏之。桀

欲從中下其事。師古曰。下。謂。下。有。司也。音。胡。稼。反。桑弘羊當與諸大

臣共執退光。書奏。帝不肯下。明日光聞之。止畫室中。

不入。如淳曰。近。臣。所。止。計。畫。之。室。也。或。曰。彫。畫。是。也。上問大將軍

安在。左將軍桀對曰。以燕王告其罪。故不敢入。有詔

可。莫。書。卷六十八 霍光金日磾傳 四

主聖臣忠
千載一時

如此聖主
何不百年

大臣之才

字內大計
一言遂定
若宋儒不
知多少議
論矣

召大將軍光入免官頓首謝上曰將軍冠朕知是書
詐也將軍亡罪光曰陛下何以知之上下曰將軍之廣
明都郎屬耳師古曰之往也廣明亭名調校尉以來
未能十日燕王何以得知之且將軍為非不須校尉
文頴曰帝云將軍欲反不由一校尉是時帝年十四尚書左右皆驚而
上書者果亡捕之甚急桀等懼白上小事不足遂師古
日遂猶竟也上不聽後桀黨與有譖光者上輒怒曰
大將軍忠臣先帝所屬以輔朕身敢有毀者坐之自
是桀等不敢復言迺謀令長公主置酒請光伏兵格
殺之因廢帝迎立燕王為天子事發覺光盡誅桀安

弘羊外人宗族燕王蓋主皆自殺光威震海內昭帝
既冠遂委任光訖十三年百姓充實四夷賓服元平
元年昭帝崩亡嗣武帝六男獨有廣陵王胥在羣臣
議所立咸持廣陵王王本以行失道先帝所不用光
內不自安郎有上書言周太王廢太伯立王季文王
舍伯邑考立武王唯在所宜師古曰太伯者王季之
凡伯邑考文王長子也
雖廢長立少可也廣陵王不可以承宗廟言合光意
光以其書視丞相敞等師古曰視讀曰擢郎為九江
示敞即揚敞也
太守即日承皇太后詔遣行大鴻臚事少府樂成宗
正德光祿大夫吉中郎將利漢迎昌邑王賀賀者武

帝孫昌邑哀王子也。既至即位，行淫亂。光憂適。

師古曰：適，日適。

音滿又音悶獨以問所親故吏大司農田延年。延年曰：將

軍為國柱石也。師古曰：柱者，梁下之柱。石者，承柱之礎也。言大臣負國重任，如屋之柱及其石也。

審此人不可，何不建白太后，更選賢而立之？光曰：

今欲如是，于古嘗有此不延年曰：伊尹相殷，廢太甲

以安宗廟，後世稱其忠。師古曰：商書太甲篇曰：太甲既立，弗明伊尹，放諸桐，可也。

將軍若能行此，亦漢之伊尹也。光廼引延年給事中

陰與車騎將軍張安世圖計，遂召丞相御史將軍列

侯中二千石大夫博士會議未央宮。光曰：昌邑王行

昏亂，恐危社稷，如何？羣臣皆驚鄂失色。師古曰：凡言鄂者皆謂阻。

大臣之識

色

礙不依順也。後字作愕，其義亦同。莫敢發言，但唯唯而已。田延年前

離席按劍曰：先帝屬將軍以幼孤，寄將軍以天下，以

將軍忠賢能安劉氏也。今羣下鼎沸，社稷將傾，且漢

之傳謚常為孝者，以長有天下，令宗廟血食也。如令

漢家絕祀，將軍雖死，何面目見先帝于地下乎？今日

之議不得旋踵。師古曰：宜速決。羣臣後應者，臣請劍斬之。光

謝曰：九卿責光是也。天下匈匈不安，光當受難。師古曰：受

其憂責也。于是議者皆叩頭曰：萬姓之命在于將軍，唯大

將軍令。光即與羣臣俱見白太后，具陳昌邑王不可

以承宗廟狀。皇太后廼車駕幸未央承明殿，詔諸禁

是大臣語
當大任者
不可無此
忠誠

門母內昌邑羣臣王入朝太后還乘輦欲歸温室中黃門宦者各持門扇王入門閉昌邑羣臣不得入王曰何為大將軍跪曰有皇太后詔母內昌邑羣臣王曰徐之何廼驚人如是光使盡驅出昌邑羣臣置金馬門外車騎將軍安世將羽林騎收縛二百餘人皆送廷尉詔獄令故昭帝侍中中臣侍守王光救左右謹宿衛卒有物故自裁令我負天下有殺主名師古曰卒讀曰碎物故死也自裁自殺也王尚未自知當廢謂左右我故羣臣從官安得罪而大將軍盡繫之乎頃之有太后詔召王王聞召意恐廼曰我安得罪而召我哉太后被珠

極紛擾忙迫中周旋
鑲蜜

其胸中筆下自有一副太史公非學太史公也

儒如淳曰以珠飾儒也晉灼曰貫珠以為盛服坐武帳中侍御數百人皆持兵期門武士陛戟陳列殿下師古曰陛戟謂執戟以衛陛下也羣臣以次上殿召昌邑王伏前聽詔光與羣臣連名奏王尚書令讀奏曰丞相臣敞師古曰敞也大司馬大將軍臣光車騎將軍臣安世師古曰張子孺度遼將軍臣明友師古曰范明友前將軍臣增師古曰韓增後將軍臣充國師古曰趙充國御史大夫臣誼師古曰蔡誼宜春侯臣譚師古曰王譚子當塗侯臣聖師古曰魏也隨桃侯臣昌樂師古曰姓趙故蒼梧王趙光子杜侯臣屠耆堂師古曰故胡人太僕臣延年師古曰杜延年太常臣昌師古曰蒲侯蘇昌大司農臣延年師古曰田延年宗正

臣德師古曰少府臣樂成師古曰廷尉臣光師古曰

執金吾臣延壽師古曰大鴻臚臣賢師古曰左馮翊

臣廣明師古曰右扶風臣德師古曰京輔都尉臣廣漢師古曰

典屬國臣武師古曰諸吏文學光祿大夫臣

司隸校尉臣辟兵師古曰臣賜臣管臣勝

臣梁臣長幸師古曰臣吉師古曰臣賜臣管臣勝

中大夫臣德師古曰臣卬師古曰昧死言皇太后

陛下臣敞等頓首死罪天子所以永保宗廟總壹海

內者以慈孝禮誼賞罰為本孝昭皇帝早棄天下亡

嗣臣敞等議禮曰為人後者為之子也昌邑王宜嗣

後遣宗正大鴻臚光祿大夫奉節使徵昌邑王典喪

服斬縗師古曰裳下不緘直斬割之而已斬縗謂縗亡悲

哀之心廢禮誼居道上不素食師古曰肉食言王在道常肉

食非若喪之制也而鄭康成解喪服素食云使從官

略女子載衣車內所居傳舍始至謁見立為皇太子

常私買雞豚以食受皇帝信璽行璽大行前孟康曰

璽天子之璽自佩行璽信璽在符節臺大就次發

行前昭帝柩前也韋昭曰大行不反之辭也

璽不封師古曰璽既國器常當緘封而王于大行前

受之退還所次遂爾發漏更不封之得令凡

人皆見言從官更持節引內昌邑從官騶宰官奴二

不重任也

百餘人常與居禁闈內教戲自之符璽取節十六師古

日之往也自往朝暮臨師古曰臨哭令從官更持節

從為書曰皇帝問侍中君卿師古曰昌邑之使中御

府令高昌奉黃金千斤賜君卿取十妻大行在前殿

發樂府樂器引內昌邑樂人擊鼓歌吹作俳倡師古

優諧戲也倡樂會下還上前殿如淳曰下謂柩之入

人也俳音排擊鐘磬召內泰壹宗廟樂人輦道牟首鄭氏曰

處前神樂人也孟康曰牟首地名也上有觀如淳曰輦道

閣道也牟首屏面也以屏面自隔無哀戚也臣瓚曰

牟首池名也在上林苑中方在衰經而輦游于池言

無哀戚也師古曰召泰壹樂人內之于輦道牟首而

鼓吹歌舞也牟首瓚說是也屏面之言失之遠矣又

左思吳都賦云長塗牟首劉逵以為牟首閣道有室

屋也此說更無所出或者思及達據此輦道牟首便

誤用之乎劉故曰輦道輦仁之牟首也予謂牟者

岑牟也岑牟益鼓角士曹鼓吹歌舞悉奏眾樂發長

即彌衡為鼓吏所著者長安厨故謂之厨城門閣

安厨三太牢具祠閣室中如淳曰黃圖北出中門有

室閣道之有室者祀已與從官飲啗師古曰啗食駕

不知禱何淫祀也也音徒敢反法駕皮軒鸞旗驅馳北宮桂宮弄苑鬪虎師古曰皮

法駕所陳也北宮桂召皇太后御小馬車張晏曰皇

宮並在未央宮北遊宮中輦車也漢廡有果下馬高三尺以駕輦太后所駕

師古曰小馬可于果樹下乘之故號果下馬使官

奴騎乘遊戲掖庭中與孝昭皇帝宮人蒙等淫亂詔

掖庭令敢泄言要斬太后曰止師古曰令為人臣子

讀再請
入太后曰
絕一段妙

前漢書

卷六十八

霍光金日磾傳

九

復讀曰取諸侯王列侯二千石綬及墨綬黃綬以并

佩昌邑郎官者免奴師古曰免奴謂良人者變易節上黃旄

以赤師古曰以劉屈氂與戾太子戰加節上黃旄遂以為常賀今輒改之發御府金錢

刀劔玉器采繒賞賜所與遊戲者與從官官奴夜飲

湛汚于酒師古曰湛讀曰沉又讀曰耽沈汚荒迷也詔太官上乘輿食如

故食監奏未釋服未可御故食復詔太官趣具無關

食監師古曰趣讀曰促關由也太官不敢具即使從官出買雞豚

詔殿門內以為常師古曰內入也令每日常入雞豚也獨夜設九賓溫

室師古曰于溫室中設九賓之禮也九賓解在叔孫通傳延見姊夫昌邑關內

侯祖宗廟祠未舉為璽書使使者持節以三太牢祠

昌邑哀王園廟稱嗣子皇帝師古曰時在喪服故未祠宗廟而私祭昌邑哀

王受璽以來二十七日使者芻牛師古曰芻牛分布也如淳曰芻牛分布

橫為芻牛猶言交橫也持節詔諸官署徵發凡千一百二十七

事文學光祿大夫夏侯勝等及侍中傅嘉數進諫以

過失使人簿責勝師古曰簿音步戶反簿責以文簿具責之縛嘉繫獄荒

淫迷惑失帝王禮誼亂漢制度臣敞等數進諫不變

更師古曰更改也日以益甚恐危社稷天下不安臣敞等謹

與博士臣霸臣雋舍晉灼曰雋姓舍名也下有臣虞舍故以姓別之師古曰雋音辭

功業為漢太祖孝文皇帝慈仁節儉為太宗今陛下

嗣孝昭皇帝後行淫辟不軌師古曰軌法也辟讀曰僻詩云藉曰

未知亦既抱子師古曰大雅抑之詩衛武公刺厲王也藉假也此言假令人云王尚幼少

未有所知亦已長大而五辟之屬莫大不孝師古曰五辟即

五刑也辟音頻亦反周襄王不能事母春秋曰天王出居于鄭

繇不孝出之絕之于天下也師古曰襄王惠王子也信二十四年經書天王

出居于鄭公羊傳曰王者無外此其言出何不能乎母也繇讀與由同宗廟重于君陛下未見命高廟不可以承天序奉祖宗廟子萬姓當

廢臣請有司御史大夫臣誼宗正臣德太常臣昌與

大祝以一大牢具告祠高廟臣敞等昧死以聞皇太

后詔曰可光令王起拜受詔王曰聞天子有爭臣七

人雖亡道不失天下光曰皇太后詔廢安得天子廼

即持其手解脫其璽組奉上太后扶王下殿出金馬

門羣臣隨送王西面拜宋祁曰西疑作四曰愚戇不任漢事

起就乘輿副車大將軍光送至昌邑邸光謝曰王行

自絕于天臣等駑怯不能殺身報德臣寧負王不敢

負社稷願王自愛臣長不復見左右師古曰言不復得侍見於左右

光涕泣而去廢放書名群臣奏言古者廢放之人屏于遠方不

及以政請徙王賀漢中房陵縣太后詔歸賀昌邑賜

湯沐邑二千戶昌邑羣臣坐亡輔導之誼陷王于惡

光悉誅殺二百餘人出死號呼市中師古曰呼音火故反曰當

德怨恚咎方是定大事識量

斷不斷反受其亂。師古曰悔不光坐庭中。會丞相以

下議定所立。廣陵王已前不用。及燕刺王反。誅其子。

不在議中。近親唯有衛太子孫號皇曾孫。在民間。咸

稱述焉。光遂復與丞相敞等上奏曰。禮曰。人道親親。

故尊祖。尊祖故敬宗。太宗亡嗣。擇支子孫賢者為嗣。

孝武皇帝曾孫病已。武帝時有詔掖庭養視。至今年

十八。師受詩論語孝經。躬行節儉。慈仁愛人。可以嗣

孝昭皇帝後。奉承祖宗廟。子萬姓。臣昧死以聞。皇太

后詔曰。可。光遣宗正劉德。至曾孫家。尚冠里。洗沐。賜

御衣。太僕以軫獵車迎。曾孫就齋。宗正府人未央宮。

漢一立交
帝而天下
治再立
帝而成中
興大臣宰
相可謂具
眼

見皇太后。封為陽武侯。已而光奉土皇帝璽綬。謁于

高廟。是為孝宣皇帝。明年下詔曰。夫褒有德。賞元功。

古今通誼也。大司馬大將軍光。宿衛忠正。宣德明恩。

守節秉誼。以安宗廟。其以河北東武陽。益封光萬七

千戶。與故所食凡二萬戶。賞賜前後黃金七千斤。錢

六千萬。雜繒三萬疋。奴婢百七十人。馬二千疋。甲第

一區。自昭帝時。光子禹。及兄孫雲。皆中郎將。雲弟山

奉車都尉侍中。領胡越兵。光兩女壻為東西宮衛尉。

昆弟諸壻外孫。皆奉朝請。為諸曹大夫。騎都尉。給事

中。黨親連體。根據于朝廷。光自後元。秉持萬機。及上

卽位。廼歸政。上謙讓不受。諸事皆先關白。光然後奏。

御天子。光每朝見上。虛已歛容。禮下之已甚。師古曰

反。光秉政前後二十年。地節二年春病篤。車駕自臨。

問光病。上爲之涕泣。光上書謝恩。曰。願分國邑三千

戶。以封兄孫。奉車都尉。山爲列侯。奉兄驃騎將軍去

病祀事。下丞相御史。卽日拜光子禹爲右將軍。光薨。

上及皇太后親臨光喪。太中大夫任宣爲侍御史。五

人持節護喪事。中二千石治莫府冢上。如淳曰典賜

金錢繒絮繡被百領。衣五十篋。璧珠璣玉衣。師古曰

以玉爲襦。如鎧狀。連綴之以黃金爲縷。要已下。玉梓

爲札。長尺廣二寸半。爲甲。下至足亦綴以黃金縷。梓

宮。服虔曰棺也。師古曰以梓木爲之。親便房。黃腸題

湊。各一具。服虔曰便房。藏中便坐也。蘇林曰以栢木

日題。湊如淳曰。漢儀注。天子陵中。明中。高丈二尺。四

寸。周二丈。內梓宮。次椁。椁黃腸。題湊。師古曰。便房

爲椁木名。非也。椁木外臧。椁十五具。服虔曰在正

也。或曰。厨廐之屬也。蘇林曰。椁木栢葉。栢身。師古曰

爾雅及毛詩傳。竝云。椁木。松葉。栢身。椁木乃栢葉。松

身耳。蘇說非也。椁音七庸。東園溫明。服虔曰東園處

反。椁音工。潤反。字亦作恬。東園溫明。此器形如方漆

桶。開一面。漆畫之。以鏡置其中。以懸屍。上大歛。并蓋

之。師古曰。東園署名也。屬少府。其署主作此器也。

皆如乘輿制度。載光尸柩。以輶輅車。文穎曰輶輅車

孟康曰。如衣車。有牕。牕閉之。則溫開之。則涼。故名之。

輶輅車也。臣瓚曰。秦始皇道崩。祕其事。載以輶輅車。

緊諸本作累

何莫書 卷六十八

霍光金日磾傳

七

讀此詔令
光無愧色
可為偉人

駟為倅師古曰輶輅本安車也可以卧息後因載喪
飾以柳絮故遂為喪車耳輶者密閉輅者有開牕牖
各別一乘隨事為名後人既專以載喪又去其一黃
總為藩飾而令二名呼之耳倅副也音干內反
屋左轟發材官輕車北軍五校士軍陳至茂陵以送
其葬諡曰宣成侯發三河卒穿復土起冢祠堂置園
邑三百家長丞奉守如舊法既葬封山為樂平侯以
奉車都尉領尚書事天子思光功德下詔曰故大司
馬大將軍博陸侯宿衛孝武皇帝三十有餘年輔孝
昭皇帝十有餘年遭大難躬秉誼率三公九卿大夫
定萬世冊以安社稷天下蒸庶咸以康寧功德茂盛
朕甚嘉之復其後世疇其爵邑應劭曰疇等也師古曰復音友目反世

前半錄勳
伐後半錄
罪狀各極
精采

班椽如宋
朝名繪筆
墨俱工

世無有所與功如蕭相國師古曰與讀曰豫明年夏封太子
外祖父許廣漢為平恩侯復下詔曰宣成侯光宿衛
忠正勤勞國家善善及後世師古曰善善者謂褒寵善人也其封光
兄孫中郎將雲為冠陽侯禹既嗣為博陸侯太夫人
顯改光時所自造塋制而侈大之師古曰塋墓域也音營起三
出闕築神道北臨昭靈南出承恩服虔曰昭靈承恩皆館名也李奇曰
昭靈高祖母冢園也文穎曰承恩宣平侯盛飾祠室
冢園也師古曰服說也是也文李並失之
輦閣通屬永巷而幽良人婢妾守之晉灼曰閣道乃通屬至永巷中
也師古曰此亦其冢上作輦閣之
道及永巷也非謂掖庭之永巷也
輦加畫繡網馮黃金塗如淳曰網亦茵馮謂所馮者也以黃金塗飾之師古曰茵

震世大臣
于此不檢
此所以讓
三代大臣
也

顯自為淫
亂不法乃
責其子姓
耶

光之專足
以成震世
之功亦足
以釀滅族
之禍若如
伊如周能
從心學上
做起寧至

蓐也。以繡為茵。馮韋絮薦輪。晉灼曰：御輦以韋緣輪，而黃金塗輿輦也。行安不搖動也。侍婢以五采絲輓，顯游戲第中。師古曰：其謂牽引車輦也。音晚。初光愛幸監奴馮子都，常與計事及顯寡

居。與子都亂。音灼曰：漢語東閭氏亡，顯以婢代立，素與馮殷姦也。師古曰：監奴謂奴之監知家務者也。殷者子都之名。而禹山亦並繕治第宅，走馬馳逐平樂

館。雲當朝請數，稱病私出。師古曰：請音才，姓反。多從賓客張圍獵黃山苑中，使蒼頭奴上朝謁。文穎曰：朝當用謁，不自行而令奴上謁者也。也。師古曰：上謁若今參見尊貴而通名也。

莫敢譴者，而顯及諸女晝夜出入長信宮殿中。亡期度。師古曰：長信宮上官太后所居。宣帝自在民間，聞知霍氏尊盛日久，內不能善。光薨，上始躬親朝

政。御史大夫魏相給事中，顯謂禹、雲、山女曹不務奉大將軍餘業。師古曰：女音汝，曹輩也。今大夫給事中，他人壹間

女能復自救耶。師古曰：間音居，莧反。後兩家奴爭道。師古曰：謂霍氏及御家。霍氏奴入御史府，欲躡大夫門，御史為叩頭謝，迺

去。人以謂霍氏。師古曰：告語也。顯等始知憂，會魏大夫為丞

相。數燕見言事，平恩侯與侍中金安上等徑出入省中。時霍山自若，領尚書上令吏民得奏封事，不關尚

書。羣臣進見，獨往來。師古曰：謂各各得盡言于上也。于是霍氏甚惡之。宣帝始立，立微時許妃為皇后，顯愛小女成君，欲

貴之，私使乳醫淳于衍行毒藥，殺許后。師古曰：乳醫視產乳之疾。

樹

瓦裂乃後
者多腐無
學問者多
裂君子何
以齊軌殷
周

前漢書

者乳音
而反

因勸光內成君代立為后語在外戚傳始許

后暴崩吏捕諸醫劾衍侍疾亡狀不道下獄吏簿問

急師古曰簿顯恐事敗即具以實語光光大驚欲自

發舉不忍猶與師古曰猶與不會奏上因署衍勿論

師古曰署者決也與讀曰豫光薨後語稍泄于是上始聞之而未察

知其虛實題其奏後也迺徙光女壻度遼將軍未央衛尉平陵侯

范明友為光祿勳次壻諸吏中郎將羽林監任勝出

為安定太守數月復出光姊壻給事中光祿大夫張

朔為蜀郡太守群孫壻中郎將王漢為武威太守頃

之復徙光長女壻長樂衛尉鄧廣漢為少府更以禹

帝怒極矣
賢者處此
何以自解
免掃盡祿
位身家即
免矣古人
欲避熱于
鑊湯鑪炭
中豈庸人
可辦

為大司馬冠小冠亡印綬罷其右將軍屯兵官屬特

使禹官名與光俱大司馬者蘇林曰又收范明友度

遼將軍印綬但為光祿勳及光中女壻趙平為散騎

騎都尉光祿大夫將屯兵又收平騎都尉印綬諸領

胡越騎羽林及兩宮衛將屯兵悉易以所親信許史

子弟代之禹為大司馬稱病禹故長史任宣候問禹

曰我何病縣官非我家將軍不得至是如淳曰縣今

將軍墳墓未乾盡外我家師古曰外反任許史奪我

印綬令人不省死師古曰不自宣見禹恨望深師古

也怨迺謂曰大將軍時何可復行持國權柄殺生在手

十七史師古曰言今
何得復如此也

前漢書

卷六十八

霍光金日磾傳

六

借任宣絮
語以述光
事情景如
親

絮語如織
令人不思
太史公矣

功以此成
禍以此成

欲人不言
不如勿為

中廷尉李种王平師古曰种音冲左馮翊賈勝胡及車丞相

女婿少府徐仁皆坐逆將軍意下獄死使樂成小家

子得幸將軍至九卿封侯師古曰即上所云少府樂成者也使者其姓也字或

作百官以下但事馮子都王子方等皆光奴視丞相

亡如也師古曰無如猶各自有時今許史自天子骨

肉貴正宜耳大司馬欲用是怨恨思以為不可禹默

然數日起視事顯及禹山雲自見日侵削數相對啼

泣自然山曰今丞相用事縣官信之盡變易大將軍

時法令以公田賦與貧民發揚大將軍過失又諸儒

生多窶人子師古曰窶貧而無禮音其羽反遠客飢寒喜妄說狂言

不避忌諱大將軍常讎之今陛下好與諸儒生語人

人自使書封事多言我家者常有上書言大將軍時

主弱臣強專制擅權今其子孫用事昆弟益驕恣恐

危宗廟災異數見盡為是也其言絕痛山屏不奏其

書後上書者益黠盡奏封事輒使中書令出取之不

關尚書益不信任人顯曰丞相數言我家獨亡罪乎山

曰丞相廉正安得罪我家昆弟諸婿多不謹又聞民

間謹言霍氏毒殺許皇后師古曰謹眾聲也音許爰反寧有是邪

顯恐急即具以實告山雲禹山雲禹驚曰如是何不

早告禹等縣官離散斥逐諸婿用是故也此大事誅

前漢書 卷六十八 霍光金日磾傳 七

窮諸本作也

罰不小奈何於是始有邪謀矣初趙平客石夏善爲
天官師古曰曉星文者語平曰熒惑守御星御星太僕秦車
都尉也不黜則死平內憂山等雲舅李竟所善張赦
見雲家率率師古曰卒讀曰猝忽遽之貌也謂竟曰今丞相與平恩
侯用事可令太夫人言太后先誅此兩人移徙陛下
在太后耳長安男子張章告之事下廷尉執金吾捕
張赦石夏等後有詔止勿捕山等愈恐相謂曰此縣
官重太后故不竟窮師古曰重難也然惡端已見又
有弑許后事陛下雖寬仁恐左右不聽久之猶發發
卽族矣不如先也師古曰言先反遂令諸女各歸報其夫皆

畫

曰安所相避師古曰言無處相避當受禍也會李竟坐與諸侯王交
通辭語及霍氏有詔雲山不宜宿衛免就第光諸女
遇太后無禮服虔曰光諸女自以于上馮子都數犯
法上并以爲讓山禹等甚恐顯夢第中井水溢流庭
下竈居樹上又夢大將軍謂顯曰知捕兒不師古曰
捕蘇林曰亟疾下捕之亟下捕之師古曰亟音居力反第中鼠暴多與人
相觸以尾畫地鶚數鳴殿前樹上師古曰鶚惡聲之鳥也古者室屋高
大則通呼爲殿耳非止天子官中第門自壞雲尚冠
其語亦見黃霸傳鶚音羽驕反人居雲屋上徹瓦投
里宅中門亦壞巷端人共見有人居雲屋上徹瓦投
地就視亡有大怪之禹夢車騎聲正謹來捕禹舉家

卷六十八 霍光金日磾傳

憂愁山曰丞相擅減宗廟羔菟如淳曰高后時定令輒有擅議宗廟

者棄市師古曰羔菟所以供祭也可以此罪也謀令太后為博平君

置酒文穎曰宣帝外祖母也召丞相平恩侯以下使范明友鄧

廣漢承太后制引斬之因廢天子而立禹約定未發

雲拜為玄菟太守太中大夫任宣為代郡太守山又

坐寫祕書顯為上書獻城西第入馬千匹以贖山罪

書報聞師古曰不許之會事發覺雲山明友自殺顯禹廣漢

等捕得禹要斬顯及諸女昆弟皆棄市唯獨霍后廢

處昭臺宮與霍氏相連坐誅滅者數千家上迺下詔

曰迺者東織室令史張赦使魏郡豪李竟報冠陽侯

雲謀為大逆朕以大將軍故抑而不揚冀其自新今

大司馬博陸侯禹與母宣成侯夫人顯及從昆弟子

冠陽侯雲樂平侯山諸姊妹壻謀為大逆欲誅誤百

姓賴宗廟神靈先發得咸伏其辜師古曰事發而捕得朕甚悼

之諸為霍氏所誑誤事在丙申前未發覺在吏者皆

赦除之男子張章先發覺以詔期門董忠忠告左曹

楊惲惲告侍中金安上惲召見對狀後章上書廢聞

侍中史高與金安上建發其事師古曰言共立意發之也言無入

霍氏禁闔卒不得遂其謀師古曰言共皆讎有功晉灼曰讎等也

師古曰言其功相類也封章為博成侯忠高昌侯惲平通侯安

引徐生事
作收意亦
淡遠此子
長法也

上都成侯高樂陵侯初霍氏奢侈茂陵徐生曰霍氏必亡夫奢則不遜不遜必侮上侮上者逆道也在人之右衆必害之師古曰霍氏秉權日久害之者多矣天下害之而又行以逆道不亡何待迺上疏言霍氏泰盛陛下即愛厚之宜以時抑制無使至亡書三上輒報聞其後霍氏誅滅而告霍氏者皆封人為徐生上書曰臣聞客有過主人者見其竈直突傍有積薪客謂主人更為曲突遠徙其薪不者且有火患主人嘿然不應俄而家果失火鄰里共救之幸而得息于是殺牛置酒謝其鄰人灼爛者在于上行師古曰灼謂被燒炙

郎

霍氏之貴
始于去病
既多殺戮
矣而光以
盛滿承之
復尚嚴刻
天道好還
族不亦宜
乎

者也行音餘各以功次坐而不錄言曲突者人謂主胡即反鄉使聽客之言不費牛酒終亡火患師古曰鄉讀曰嚮次下亦同也今論功而請賓曲突徙薪亡恩澤焦頭爛額為上客邪主人迺寤而請之今茂陵徐福數上書言霍氏且有變宜防絕之鄉使福說得行則國亡裂土出爵之費臣亡逆亂誅滅之敗往事既已而福獨不蒙其功唯陛下察之貴徙薪曲突之策使居焦髮灼爛之右師古曰上迺賜福帛十疋後以為郎宣帝始立謁見高廟大將軍光從驂乘上內嚴憚之若有芒刺在背後車騎將軍張安世代光驂乘天子從容肆體

翁作翁

甚安近焉。師古曰肆放也展也近音鉅勒反及光身死而宗族竟誅故俗傳之曰威震主者不畜。霍氏之禍萌于驂乘。至成帝時為光置守冢百家。吏卒奉祠焉。元始二年封光從父昆弟曾孫陽為博陸侯千戶。金日磾字翁叔。師古曰磾音丁奚反本匈奴休屠王太子也。師古曰休音許到反屠音儲武帝元狩中驃騎將軍霍去病將兵擊匈奴右地多斬首虜獲休屠王祭天金人其夏驃騎復西過居延攻祈連山大克獲于是單于怨昆邪休屠居西方多為漢所破。師古曰昆音下門反召其王欲誅之昆邪休屠恐謀降漢休屠王後悔昆邪王殺之并將其

寫武帝識
別日磾處
有生色

眾降漢封昆邪王為列侯日磾以父不降見殺與母關氏弟倫俱沒入官輸黃門養馬時年十四矣久之武帝游宴見馬。師古曰方于宴游之時而召閱諸馬後宮滿側日磾等數十人牽馬過殿下莫不竊視至日磾獨不敢日磾長八尺二寸容貌甚嚴馬又肥好上異而問之具以本狀對上奇焉即日賜湯沐衣冠拜為馬監遷侍中駙馬都尉光祿大夫日磾既親近未嘗有過失上甚信愛之賞賜累千金出則驂乘入侍左右貴戚多竊怨曰陛下妄得一胡兒反貴重之上聞愈厚焉日磾毋教誨兩子甚有法度上聞而嘉之病死詔圖畫于

有漢書 卷六十八 霍光金日磾傳

使光具此
識見師三
代以上人
矣

甘泉宮署曰休屠王闕氏曰禪每見畫常拜鄉之涕
泣然後廼去師古曰鄉日禪子二人皆愛為帝弄兒
常在旁側弄兒或自後擁上項師古曰擁抱也日禪在前見
而目之師古曰目弄兒走且啼曰翁怒上謂日禪何
怒吾兒為其後弄兒壯大不謹自殿下與宮人戲日
禪適見之惡其淫亂遂殺弄兒弄兒即日禪長子也
上聞之大怒日禪頓首謝具言所以殺弄兒狀上甚
哀為之泣已而心敬日禪初莽何羅與江充相善及
充敗衛太子何羅弟通用誅太子時力戰得封後上
知太子冤廼夷滅充宗族黨與何羅兄弟懼及遂謀

喝作唱

為逆日禪視其志意有非常心疑之陰獨察其動靜
與俱上下師古曰上下于殿也何羅亦覺日禪意以故久不得
發是時上行幸林光宮服虔曰甘泉一名林光師古曰秦之林光宮胡亥所造漢
又于其旁日禪小疾卧廬師古曰殿中何羅與通及
小弟安成矯制夜出共殺使者發兵明旦上未起何
羅亡何從外入師古曰無何日禪奏厠心動師古曰
日禪方動立入坐內戶下須臾何羅襲白刃從東箱
上師古曰置刃于衣見日禪色變走趨卧內欲入師
日趨讀曰趣嚮也行觸寶瑟僵日禪得抱何羅因傳
卧內天子卧處師古曰傳謂上驚起左右拔刃欲格之
曰莽何羅反師古曰傳謂上驚起左右拔刃欲格之

前漢書 卷六十八

霍光金日禪傳

三

此等作用
讀書人未
必能乃知
古人自有
學問所謂
不學無術
亦不在章
句問也

觀日磾所
為真博陸
良師

讀此愈見
輔少主之
別

上恐并中日磾師古曰中止勿格日磾粹胡投何羅
殿下孟康曰胡音互粹胡若今相鮮卧輪之類也晉
是也才兀反得禽縛之窮治皆伏辜師古曰賜出宮女
不、敢、近、上、欲、內、其、女、後、宮、不、肯、其、篤、慎、如、此、上、尤、奇
異、之、及、上、病、屬、霍、光、以、輔、少、主師古曰屬光讓日磾
日磾曰臣外國人且使匈奴輕漢于是遂為光副光
以女妻日磾嗣子賞初武帝遺詔以討莽何羅功封
日磾為稅侯師古曰稅日磾以帝少不受封輔政歲
餘病困大將軍光白封日磾卧授印綬一日夢賜葬

具冢地送以輕車介士軍陳至茂陵謚曰敬侯日磾
兩子賞建俱侍中與昭帝略同年共卧起賞為奉車
建駙馬都尉及賞嗣侯佩兩綬上謂霍將軍曰金氏
兄弟兩人不可使俱兩綬邪霍光對曰賞自嗣父為
侯耳上笑曰侯不在我與將軍乎光曰先帝之約有
功、迺、得、封、侯、時、年、俱、八、九、歲、宣、帝、卽、位、賞、為、太、僕、霍
氏、有、事、萌、牙、上、書、去、妻師古曰萌牙者言始上亦自
哀、之、獨、得、不、坐、元、帝、時、為、光、祿、勳、薨、亡、子、國、除、元、始
中、繼、絕、世、封、建、孫、當、為、稅、侯、奉、日、磾、後、初、日、磾、所、將
俱降弟倫字少卿為黃門郎早卒日磾兩子貴及孫

則衰矣而倫後嗣遂盛子安上始貴顯封侯安上字子侯少為侍中惇篤有智宣帝愛之頗與發舉楚王延壽反謀師古曰與讀曰豫賜爵關內侯食邑三百戶後霍氏反安上傳禁門闥無內霍氏親屬師古曰禁止也門闥宮中大小之門也傳聲而封為都成侯至建章衛尉薨賜冢塋止諸門闥也杜陵謚曰敬侯四子常敞岑明岑明皆為諸曹中郎將常光祿大夫元帝為太子時敞為中庶子幸有寵帝即位為騎都尉光祿大夫中郎將侍中元帝崩故事近臣皆隨陵為園郎敞以世名忠孝太后詔留侍成帝為奉車水衡都尉至衛尉敞為人正直敢犯顏

色左右憚之唯上亦難焉師古曰臣下皆敬憚唯病有天子一人亦難之

甚上使使者問所欲以弟岑為託上詔岑拜為郎使

主客服虔曰官名屬鴻臚主胡客也敞子涉本為左曹上拜涉為侍

中使待幸綠車載送衛尉舍李奇曰輦綠車常設以待幸也臨敞病困拜子

為侍中以此車送欲敞見其榮寵也如淳曰幸綠車嘗置左右以待召載皇孫今遣涉歸以皇孫車載之

寵之也晉灼曰漢注綠車名皇孫車太子有子乘以從師古曰如晉二說是也須臾卒敞三

子涉參饒涉明經儉節諸儒稱之成帝時為侍中騎

都尉領三輔胡越騎師古曰胡越騎之在三輔者若長水長楊宣曲之屬是也哀

帝即位為奉車都尉至長信少府而參使匈奴拜匈

奴中郎將師古曰因出使匈奴越騎校尉關都尉安

因一作以奴下有故字
闕下一有內恐衍文

前漢書 卷六十八 霍光金日磾傳

定東海太守饒為越騎校尉涉兩子湯融皆侍中諸
 曹將大夫師古曰將亦謂中郎將也而涉之從父弟欽舉明經為
 太子門大夫哀帝即位為大中大夫給事中欽從父
 弟遷為尚書令兄弟用事帝祖母傅太后崩欽使護
 作師古曰監主葬送之事也職辦擢為泰山弘農太守著威名平
 帝即位徵為大司徒司直京兆尹帝年幼選置師友
 大司徒孔光以明經高行為孔氏師京兆尹金欽以
 家世忠孝為金氏友徙光祿大夫侍中秩中二千石
 封都成侯時王莽新誅平帝外家衛氏召明禮少府
 宗伯鳳入說為人後之誼如淳曰宗伯姓白令公卿將軍侍

中朝臣竝聽師古曰白令皆聽之欲以內厲平帝而外塞百姓
 之議欽與族昆弟稭侯當俱封初當曾祖父曰禪傳
 子節侯賞而欽祖父安上傳子夷侯常皆亡子國絕
 故莽封欽當奉其後當母南即莽母功顯君同產弟
 也當上南大行為大夫人文穎曰南名也大行官名也當上名狀于大行也鄧
 展曰當上南為大夫人侍莽姨母故耳為父立廟非也欽因緣謂當詔書陳曰
 禪功亡有賞語當名為以孫繼祖也自當為父祖父
 立廟晉灼曰當是賞弟建之孫此言自當為其父及祖父建立廟也賞故國君使大
 夫主其祭如淳曰以賞故國君使大夫掌其祭事臣
 也而欽見當母南為大夫人遂尊其父祖以續日禪
 不復為後賞而令大夫主賞祭事師古曰瓚說是也

時甄邯在旁庭叱欽師古曰於朝庭中叱之也因劾奏曰欽幸得

以通經術超擢侍幃幄重蒙厚恩封襲爵號師古曰重音直

用知聖朝以世有為人後之誼前遭故定陶太后背

本逆天孝哀不獲厥福廼者呂寬衛寶復造姦謀至

于反逆咸伏厥辜太皇太后懲艾悼懼師古曰艾讀曰又又剗也

逆天之咎非聖誣法大亂之殃誠欲奉承天心遵明

聖制專壹為後之誼以安天下之命數臨正殿延見

羣臣講習禮經孫繼祖者謂亡正統持重者也賞見

嗣日禪後成為君持大宗重則禮所謂尊祖故敬宗

大宗不可以絕者也欽自知與當俱拜同誼即數揚

言殿省中教當云云師古曰云云者多言也謂上所陳以孫繼祖也當即如

其言則欽亦欲為父明立廟而不入夷侯常廟矣進

退異言頗惑衆心亂國大綱開禍亂原誣祖不孝罪

莫大焉尤非大臣所宜大不敬禘侯當上母南為大

夫人失禮不敬莽白太后下四輔公卿大夫博士議

郎皆曰欽宜以時即罪師古曰即就也謁者召欽詣詔獄欽

自殺邯以綱紀國體亡所阿私忠孝尤著益封千戶

更封長信少府涉子右曹湯為都成侯湯受封日不

敢還歸家以明為人後之誼益封之後莽復用欽弟

遵封侯歷九卿位

行漢書 卷六十八 霍光金日磾傳 侯

不學亡術
亦難盡抹
共相業

贊曰霍光以結髮內侍起于階闥之間確然秉志誼
形于主受襁褓之託任漢室之寄當廟堂擁幼君推
燕王作上官師古曰因權制敵以成其忠處廢置之
際臨大節而不可奪遂匡國家安社稷擁昭立宣光
為師保雖周公阿衡何以加此然光不學亡術闇于
大理陰妻邪謀晉灼曰不立女為后湛溺盈溢之欲
以增顛覆之禍師古曰沈死財三年宗族誅夷哀哉
咎霍叔封于晉師古曰沈苗裔乎金日磾夷狄亡國羈虜漢庭而以篤敬寤主
忠信自著勒功上將傳國後嗣世名忠孝七世內侍

何其盛也本以休屠作金人為祭天主故因賜姓金
氏云

前漢書卷之六十八 終

卷六十八 霍光金日磾傳

前漢書卷之六十九

趙克國辛慶忌傳第三十九

趙克國字翁孫隴西上邽人也師古曰邽音圭後徙金城令

居始為騎士以六郡良家子善騎射補羽林師古曰金城隴

西天水安定北地上郡西河是也昭帝分隴西天水

置金城克國自武帝時已為假司馬則初以六郡良

家子者非金城也此名數正為人沈勇有大略少好

與地理志同也今音零同將帥之節而學兵法通知四夷事武帝時以假司馬

從貳師將軍擊匈奴大為虜所圍漢軍乏食數日死

傷者多克國廼與壯士百餘人潰圍陷陳貳師引兵

隨之遂得解身被二十餘創貳師奏狀詔徵克國詣

金城一本無

提一語作
主腦下即
從此

行在所武帝親見視其創嗟歎之拜為中郎遷車騎將軍長史昭帝時武都氏人反克國以大將軍護軍都尉將兵擊定之遷中郎將將屯上谷還為水衡都尉擊匈奴獲西祁王文穎曰匈奴王也擢為後將軍兼水衡如故與大將軍霍光定冊尊立宣帝封營平侯本始中為蒲類將軍征匈奴斬虜數百級還為後將軍少府匈奴大發十餘萬騎南旁塞至符奚盧山師古曰音步浪反欲入為寇亡者題除渠堂降漢言之遣克國將四萬騎屯緣邊九郡文穎曰五原朔方之屬也師古曰雁門定襄北平上谷漁陽也四單于聞之引去是時萬騎分屯之而克國總統領之

營平破羗成功足底在此一着

光祿大夫義渠安國使行諸羗先零豪言願時渡湟水非鄭氏曰零音憐孟康曰豪帥長也師古曰湟水出金城臨羗塞外東入河湟水之非是漢地湟皇音逐民所不田處畜牧安國以聞克國劾安國奉使不敬是後羗人旁緣前言抵冒渡湟水師古曰旁依也抵冒犯突而前旁音步浪反冒音莫非反郡縣不能禁元康三年先零遂與諸羗種豪二百餘人解仇交質盟誼師古曰羗人無大相殺伐故每有仇讐往來相報今解仇交質者自相親結欲入漢為寇也上聞之以問克國對曰羗人所以易制者以其種自有豪數相攻擊執不壹也往三十餘歲西羗反時亦先解仇合約攻令居與漢相距五六年廼定至征和五年先零豪封

談四夷姓名情事如說家常話

煎等通使匈奴師古曰煎讀曰翦匈奴使人至小月氏師古曰氏

支音傳告諸羌曰漢貳師將軍衆十餘萬人降匈奴羌

人爲漢事苦師古曰張掖酒泉本我地地肥美可共

擊居之以此觀匈奴欲與羌合非往三十餘歲一世也聞者匈奴

困於西方聞烏相來保塞恐兵復從東方起數使使

尉黎危須諸國設以子女貂裘欲沮解之師古曰設謂開許之

也沮壞也欲壞其計令其計不合疑匈奴更遣使至

解散之沮音才汝反羌中道從沙陰地出鹽澤過長阬入窮水塞南抵屬

國與先零相直臣恐羌變未止此且復結聯他種宜

及未然爲之備後月餘羌侯狼何果遣使至匈奴藉

兵欲擊鄯善敦煌以絕漢道克國以爲狼何小月氏

種在陽關西南執不能獨造此計疑匈奴使已至羌

中先零罕开廼解仇作約蘇林曰罕开在金城南師

下言遣开豪雕庫宣天子至德罕开之屬皆聞知明

詔其下又云河南大开小开則罕开羌族殊矣

开音口堅反而地理志天水有罕开縣蓋以此二種

羌來降處之此地理志以各縣也而今之羌姓有罕开

者總是罕开之類合而言之因到秋馬肥變必起矣

宜遣使者行邊兵豫爲備敕視諸羌毋令解仇以發

覺其謀于是兩府復白遣義渠安國行視諸羌分別

善惡安國至召先零諸豪三十餘人以尤桀黠皆斬

之師古曰桀堅也言不順縱兵擊其種人斬首千餘

從也黠惡也爲惡堅也

博望侯居匈奴中十年而不得匈奴要領營平居漢而通知夷情如指掌有寔用豪傑與貧功生事之人才畧不同如此

何不即遣
充國行視
諸羌

級于是諸降羌及歸義羌侯楊玉等恐怒亡所信鄉

師古曰恐中國仇怒不信遂劫略小種背畔犯塞攻其心而納嚮之鄉讀曰嚮

城邑殺長吏安國以騎都尉將騎三千屯備羌至浩

亶師古曰浩音誥亶音門水名也解在地理志為虜所擊失亡車重兵器

甚眾安國引還至今居以聞是歲神爵元年春也時

克國年七十餘上老之使御史大夫丙吉問誰可將

者克國對曰亡踰于老臣者矣上遣問焉曰將軍度

羌虜何如當用幾人克國曰百聞不如一見兵難踰

度師古曰踰臣願馳至金城圖上方略然羌戎小夷讀曰遙

逆天背畔滅亡不久願陛下以屬老臣勿以為憂上

笑曰諾克國至金城須兵滿萬騎師古曰欲渡河恐須待也

為虜所遮即夜遣三校銜枚先渡渡輒營陳會明畢

遂以次盡渡虜數十百騎來出入軍傍克國曰吾士

馬新倦不可馳逐此皆驍騎難制又恐其為誘兵也

擊虜以殄滅為期小利不足貪令軍勿擊遣騎候四

望陜中亡虜文穎曰金城有三陜在南六百里師古曰山峭而夾水曰陜四望者陜名也陜音

狹夜引兵上至落都服虔曰山名也召諸校司馬謂曰吾知

羌虜不能為兵矣使虜發數千人守杜四望陜中兵

豈得入哉師古曰杜塞也克國常以遠斥候為務行必為戰

備止必堅營壁尤能持重愛士卒先計而後戰遂西

至西部都尉府。孟康曰日饗軍士士皆欲為用虜數

挑戰克國堅守捕得生口言羌豪相數責曰語汝亡

反今天子遣趙將軍來年八九十矣善為兵今請欲

一鬪而死可得邪克國子右曹中郎將印將期門飲

飛羽林孤兒胡越騎為支兵至今居虜竝出絕轉道

師古曰竝猶俱也轉道運糧之印以聞有詔將八校

尉與驍騎都尉金城太守合疏捕山間虜。蘇林曰疏

古曰疏字本作跡通轉道津渡初罕开豪靡當兒使

弟雕庫來告都尉曰先零欲反後數日果反雕庫種

人頗在先零中都尉即留雕庫為質克國以為亡罪

迺遣歸告種豪大兵誅有罪者明白自別毋取并滅

師古曰言勿相天子告諸羌人犯法者能相捕斬除

罪斬大豪有罪者一人賜錢四十萬中豪十五萬下

豪二萬大男三千女子及老小千錢又以其所捕妻

子財物盡與之克國計欲以威信招降罕开及劫略

者解散虜謀徼極迺擊之。師古曰徼要也要其倦時

上巳發三輔太常徒弛刑。師古曰弛刑謂不加鉗鐵

反三河潁川沛郡淮陽汝南材官金城隴西天水安

定北地上郡騎士羌騎與武威張掖酒泉太守各屯

其郡者合六萬人矣酒泉太守辛武賢奏言郡兵皆

前漢書 卷六十九 趙充國辛慶忌傳 五

知羗事者
莫如老趙

屯備南山，非邊空虛，執不可久。或曰：至秋冬，迺進兵。此虜在竟外之冊。師古曰：竟，讀曰境。今虜朝夕為寇，土地寒苦，漢馬不能冬。師古曰：能，讀曰耐。屯兵在武威，張掖、酒泉，萬騎以上，皆多羸瘦，可益馬食。以七月上旬，齎三十日糧，分兵並出張掖、酒泉，合擊罕开在鮮水上者。虜以畜產為命，今皆離散，兵即分出，雖不能盡誅，豈奪其畜產，虜其妻子。師古曰：豈，讀曰但。復引兵還，冬復擊之。大兵仍出，虜必震壞。天子下其書，克國令與校尉以下吏士知羗事者博議。克國及長史董通年以為武賢欲輕引萬騎，分為兩道出張掖，回遠千里。師古曰：回，謂路紆曲也。音

胡悔，以一馬自佗負三十日食。師古曰：佗，音徒。何反。凡以畜產載負物者，皆為佗。為米二斛，四斗，麥八斛。又有衣裝兵器，難以追逐。勤勞而至，虜必商軍進退，稍引去。師古曰：商，計度也。逐水入山林。師古曰：少，古草字。隨而深入，虜即據前險守後阨，以絕糧道。必有傷危之憂，為夷狄笑。千載不可復，而武賢以為可奪其畜產，虜其妻子。此殆空言，非至計也。又武威縣張掖，日勒皆當非塞，有通谷水草。師古曰：日，勒張掖之縣。臣恐匈奴與羗有謀，且欲大入。幸能要杜張掖、酒泉，以絕西域。師古曰：要，遮也。杜，塞也。其郡兵尤不可發。先零首為畔逆，它種劫略。師古曰：言被劫略而反叛，非其本心。故臣愚冊

營平之策
不信于漢
廷者屢矣
而究竟成
功相國之
賢宣帝之
明也吾固
知營平之

功在漢無
兩營平之
遇千載一
時矣

欲捐罕开聞昧之過隱而勿章先行先零之誅以震
動之宜悔過反善因赦其罪選擇良吏知其俗者拊
循和輯此全師保勝安邊之冊天子下其書公卿議
者咸以為先零兵盛而負罕开之助師古曰負待也不先破
罕开則先零未可圖也上廼拜侍中樂成侯許延壽
為強弩將軍即拜酒泉太守武賢為破羌將軍賜璽
書嘉納其冊以書敕讓克國曰皇帝問後將軍甚苦
暴露將軍計欲至正月廼擊罕羌羌人當獲麥已遠
其妻子師古曰徙其妻子令遠居而身來為寇也精兵萬人欲為酒泉敦
煌寇邊兵少民守保不得田作今張掖以東粟石百

餘芻橐束數十師古曰皆謂錢直之數言其貴轉輸並起百姓煩擾

將軍將萬餘之眾不早及秋共水草之利爭其畜食

師古曰此畜謂產畜牛羊之屬也食謂穀麥之屬也一日畜食畜之所食即謂草也欲至冬虜

皆當畜食師古曰此畜讀曰蓄蓄聚積也多藏匿山中依險阻將軍

士寒手足皸瘃文穎曰皸坼裂也瘃寒創也寧有利

哉將軍不念中國之費欲以歲數而勝微師古曰久歷年歲乃

勝小敵也數音所具反將軍誰不樂此者師古曰言凡為將軍者皆樂此今詔

破羌將軍武賢將兵六千一百人敦煌太守快將二

千人長水校尉富昌酒泉侯奉世將婁月氏兵四千

人服虔曰婁音兒羌名也蘇林曰古師古曰蘇音是也亡慮萬二千人古師

據勅書字
字可信而
充國堅守
不移出人
意表信定
大疑決大
計者非人
傑不可

曰亡慮大計也 齋三十日食以七月二十二日擊罕

解在食貨志 羌入鮮水非句廉上服虔曰句音鈞師古曰句去酒廉謂水所曲而有廉稜也

泉八百里去將軍可千二百里將軍其引兵便道西

並進雖不相及使虜聞東方北方兵竝來分散其心

意離其黨與雖不能殄滅當有瓦解者已詔中郎將

卬將胡越攸飛射士步兵二技益將軍兵今五星出

東方中國大利蠻夷大敗張晏曰五星所聚其下勝羌人在西星在東則為漢

太白出高用兵深入敢戰者吉弗敢戰者凶將軍急

裝因天時誅不義萬下必全勿復有疑克國既得讓

以為將任兵在外便宜有守以安國家師古曰言為將之道受任

行兵于外雖受詔命若有便宜則當固守以取安利也 迺上書謝罪因陳兵利

害曰臣竊見騎都尉安國前幸賜書擇羌人可使使

罕諭告以大軍當至漢不誅罕以解其謀恩澤甚厚

非臣下所能及臣獨私美陛下盛德至計已故遣

开豪雕庫宣天子至德罕开之屬皆聞知明詔今先

零羌楊玉此羌之首帥名王將騎四千及煎鞏騎五

千阻石山木候便為寇師古曰謂依阻山罕羌未有

所犯今置先零先擊罕釋有罪誅無辜起壹難就兩

害誠非陛下本計也臣聞兵法攻不足者守有餘又

曰善戰者致人不致于人今罕羌欲為敦煌酒泉寇

破盡開邊
生事之謀
推鋒陷敵
之輩而一
以養威持
重不傷財
不害民不
損兵折將
功成晏然
而無後慮
豈衛霍之
輩可及哉

上兵伐謀

宜飭兵馬練戰士以須其至坐得致敵之術以逸擊
 勞取勝之道也今恐二郡兵少不足以守而發之行
 攻釋致虜之術而從為虜所致之道臣愚以為不便
 先零羌虜欲為背畔故與罕开解仇結約然其私心
 不能亡恐漢兵至而罕开背之也臣愚以為其計常
 欲先赴罕开之急以堅其約先擊罕羌先零必助之
 今虜馬肥糧食方饒擊之恐不能傷害適使先零得
 施德于罕羌堅其約合其黨虜交堅黨合精兵二萬
 餘人迫脅諸小種附著者稍眾莫須之屬不輕得離
 也服虔曰莫須如是虜兵浸多誅之用力數倍臣恐
 小種羌名也

評獨于作緣緣

策之了了
談之亦了
可

國家憂累繇十年數不二三歲而已臣得蒙天子厚
 恩父子俱為顯列臣位至上卿爵為列侯犬馬之齒
 七十六為明詔填溝壑死骨不朽亡所顧念獨思惟
 兵利害至孰悉也于臣之計先誅先零已則罕开之
 屬不煩兵而服矣先零已誅而罕开不服涉正月擊
 之得利之理又其時也以今進兵誠不見其利唯陛
 下裁察六月戊申奏七月甲寅璽書報從克國計焉
 克國引兵至先零在所虜久屯聚解弛師古曰解讀
 望見大軍棄車重欲渡湟水道阨狹克國徐行驅之
 或曰逐利行遲師古曰逐利宜疾今行太遲
 克國曰此窮寇不可

前漢書 卷六十九 趙克國辛慶忌傳

迫也。緩之則走，不顧。急之則還，致死。師古曰：謂更迴還盡力而死戰。諸校皆曰：善。虜赴水溺死者數百，降及斬首五百餘人。鹵馬牛羊十萬餘頭，車四千餘兩。兵至旱地，令軍毋燔聚落，芻牧田中。師古曰：不得燔燒人居及芻放牧也。聞之喜曰：漢果不擊我矣。豪靡忘使人來言，願得還復故地。服虔曰：靡忘，羌帥名也。克國以聞，未報。靡忘來自歸，克國賜飲食，遣還諭種人護軍以下，皆爭之曰：此反虜不可擅遣。克國曰：諸公但欲便文，自營。師古曰：苟取自營，衛便。非為公家忠計也。語未卒，璽書報令靡忘以贖論。後罕章不煩兵而下，其秋克國病，上賜書曰：

孝宜以中國全盛之勢而用武，賢之計未必無功。然一勝而四夷不寧，殺傷過多，是一衛霍故事也。營平曰：吾以死守之，明。

制詔後將軍聞苦腳脛寒泄。師古曰：脛，膝以下骨也。寒泄，下利也。言其患足脛，又苦下利。脛音下。將軍年老加疾，一朝之變不可諱。師古曰：諱，恐其死。朕甚憂之。今詔破羌將軍詣屯，所為將軍副。急因天時，大利。吏士銳氣，以十二月擊先零羌。即疾劇，留屯毋行。獨遣破羌彊弩將軍時羌降者萬餘人矣。克國度其必壞，欲罷騎兵屯田，以待其敝。作奏未上，會得進兵璽書。中郎將卬懼，使客諫。克國曰：誠令兵出，破軍殺將，以傾國家，將軍守之可也。即利與病，又何足爭。一旦不合上意，遣繡衣來責將軍，將軍之身不能自保，何國家之安。克國歎曰：是何言之不。

主可為忠
言只此二
語全活百
萬生靈營
平之功之
人即商周
之佐何以
加焉

夏時臣主
相信極矣

前漢書

忠也。本用吾言。羌虜得至。是邪。往者舉可先行。羌者。吾舉辛武賢丞相御史。復白遣義渠安國。竟沮敗羌。金城湟中穀斛八錢。吾謂耿中丞也。服虔曰：耿壽昌。羅。二百萬斛穀。羌人不敢動矣。耿中丞請糴百萬斛。廼得四十萬斛耳。義渠再使。且費其半。失此二冊。羌人故敢為逆。失之毫釐。差以千里。是既然而然矣。今兵久不決。四夷卒有動搖。相因而起。師古曰：卒。雖有知者。不能善其後。羌獨足憂邪。師古曰：言儻如此。吾固以死守之。明主可為忠言。遂上屯田奏曰：臣聞兵者所以明德除害也。故舉得於外。則福生于內。不可不慎。臣

每慮他夷

所將吏士馬牛食。月用糧穀十九萬九千六百三十斛。鹽千六百九十三斛。燕橐二十五萬二千八百六十六石。師古曰：莢乾芻也。橐禾稗也。難久不解。繇役不息。又恐他夷卒有不虞之變。師古曰：卒。相因竝起。為明主憂。誠非素定廟勝之冊。師古曰：廟勝謂謀於廟堂而勝敵也。且羌虜易以計破。難用兵碎也。故臣愚以為擊之不便。計度臨羌東至浩疊。師古曰：度。音大各反。羌虜故田及公田。民所未墾。可二千頃以上。其間郵亭多壞敗者。臣前部士入山伐材木。大小六萬餘枚。皆在水次。願罷騎兵。留弛刑應募。及淮陽汝南步兵。與吏士私從者。合凡萬二

前漢書

卷六十九

趙充國辛慶忌傳

七

百八十一人。用穀月二萬七千三百六十三斛。鹽三百八斛。分屯要害處。水解漕下。繕鄉亭。浚溝渠。師古曰漕

下以水運木而下也。繕補也。浚深治也。治隍陁以西道橋七十所。令可

至鮮水左右。田事出。賦人二十師古曰田事出謂至春人出營田也

賦。謂班與之也。晦古畝字。至四月草生。發郡騎及屬國胡騎。伉健

各千。倅馬什二。就草。師古曰倅副也。什二者千騎則與副馬二百匹也。伉音口浪反。

為田者遊兵。以克入金城郡。益積畜。省大費。師古曰畜讀曰

蓄今大司農所轉穀至者。足支萬人一歲食。謹上田

處及器用簿。唯陛下裁許。上報曰。皇帝問後將軍言

欲罷騎兵。萬人留田。即如將軍之計。虜當何時伏誅。

管平將畧
大類三代
以上者在
此數言

兵。當何時得決。孰計其便。復奏。克國上狀曰。臣聞帝

王之兵。以全取勝。是以貴謀而賤戰。戰而百勝。非善

之善者也。故先為不可勝。以待敵之可勝。師古曰此兵法之辭

也。言先自完堅。令敵不能勝我。乃可以勝敵也。蠻夷習俗。雖殊于禮義之國。

然其欲避害就利。愛親戚。畏死亡。一也。今虜亡其美

地。薦艸。師古曰薦稠艸也。愁于寄託。遠遯骨肉。離心。人有畔志。

而明主般師。罷兵。鄧展曰般音班。還也。萬人留田。順天時。因

地利。以待可勝之虜。雖未即伏辜。兵決可暮月而望。

羌虜瓦解。前後降者。萬七百餘人。及受言去者。凡七

十輩。如淳曰羌胡言欲降受其言遣去者。師古曰如說非也。謂羌受克國之言歸相告喻者也。羌虜

即羌賊耳無此坐支解羌虜之具也臣謹條不出兵

留田便宜十二事步兵九校師古曰一部吏士萬人

留屯以為武備因田致穀威德並行一也又因排折

羌虜令不得歸肥饒之墜師古曰墜古地字貧破其眾以成

羌虜相畔之漸二也居民得並田作不失農業三也

師古曰並且也讀如軍馬一月之食度支田士一歲

本字又音步浪反罷騎兵以省大費四也至春省甲士卒循

音大各反河湟漕穀至臨羌以眎羌虜師古曰眎亦示字揚威武傳世

折衝之具五也以閒暇時下所伐材繕治郵亭充入

金城六也兵出乘危徼幸師古曰言不可必勝不出令反畔之

虜竄于風寒之地離霜露疾疫瘕墮之患師古曰離遭也墮謂

因寒瘕而坐得必勝之道七也亾經阻遠追死傷之

害八也內不損威武之重外不令虜得乘閒之執九

也師古曰閒謂軍又亡驚動河南大开小开皆虜種

在河南也使生它變之憂十也治隍陘中道橋令可

至鮮水以制西域信威千里師古曰信讀曰申從枕席上過

師十一也鄭氏曰橋成軍行安大費既省繇役豫息

以戒不虞十二也留屯田得十二便出兵失十二利

臣克國材下犬馬齒衰不識長冊唯明詔博詳公卿

議臣採擇上復賜報曰皇帝問後將軍言十二便聞

之虜雖未伏誅兵決可期月而望。期月而望者謂今冬邪。謂何時也。將軍獨不計虜聞兵頗罷且丁壯相聚攻擾田者及道上屯兵復殺略人民將何以止之。又大開小開前言曰吾告漢軍先零所在兵不往擊久留得亾效五年時不分別人而并擊我。如淳曰此五年伐先零不分別大小開其意常恐今兵不出得本意是以大小開有此言也亡變生與先零為一將軍孰計復奏克國奏曰臣聞兵以計為本故多算勝少算先零羌精兵今餘不過七八千人失地遠客分散飢凍旱开莫須又頗暴略其羸弱畜產畔還者不絕皆聞天子明令相捕斬之

兵亦不冗

賞臣愚以為虜破壞可日月異遠在來春故曰兵決可期月而望。竊見北邊自敦煌至遼東萬一千五百餘里乘塞列隧有吏卒數千人虜數大眾攻之而不能害今留步士萬人屯田地執平易多高山遠望之便部曲相保為塹壘木樵。師古曰樵與譙同謂為高樓以望敵也音才消反投聯不絕。如淳曰播投相連也師古曰此投謂用木也周禮校人掌王馬之政六廐成投蓋用關械闌養馬也說文解字云校木囚也亦謂以木相貫遮闌禽獸也今云校聯不便兵努飭鬪具。師古曰便利也飭絕言營壘相次燧火幸通執及并力以逸待勞兵之利者也。臣愚以為屯田內有亡費之利外有守禦之備騎兵雖罷虜

必不示之以萬人令不可測多寡

見萬人留田為必禽之具其土崩歸德宜不久矣從今盡三月虜馬羸瘦必不敢捐其妻子于它種中遠涉河山而來為寇又見屯田之士精兵萬人終不敢復將其累重還歸故地師古曰累重謂妻子也累音力瑞反重音直用反臣之愚計所以度虜且必瓦解其處師古曰各于不戰而自破之册也至于虜小寇盜時殺人民其原未可卒禁師古曰卒讀曰猝臣聞戰不必勝不苟接刃攻不必取不苟勞眾誠令兵出雖不能滅先零豈能令虜絕不為小寇則出兵可也師古曰豈讀曰但即今同是師古曰俱不能而釋坐勝之道從乘危之執往終不見利空內

瞻前顧後手握定算而多憂多慮恐誤一着

自罷敵師古曰罷讀曰疲貶重而自損非所以視蠻夷也古師曰視讀又大兵一出還不可復留湟中亦未可空如是繇役復發也且匈奴不可不備烏桓不可不憂今久轉運煩費傾我不虞之用以澹一隅師古曰澹古瞻字瞻給也臣愚以為不便校尉臨眾幸得承威德奉厚幣拊循眾美諭以明詔宜皆鄉風雖其前辭嘗曰得亡效五年宜亡它心不足以故出兵臣竊自惟念奉詔出塞引軍遠擊窮天子之精兵散車甲于山野雖亡尺寸之功媮得避嫌之便師古曰媮苟且也嫌亦嫌字而亡後咎餘責此人臣不忠之利非明主社稷之福也臣幸得奮精

相不敢言
知兵真可
謂大臣無
技矣相臣
亦何必知
兵哉惟不
知而大議
定矣

宣帝明決
丙魏忠計
營平僅得
成功後世
不顧國家
大計往往
忌邊臣之
成功從中
撓者可勝
追悼

所見與龔
勝王生大
別

前漢書

五

兵討不義久留天誅師古曰言不罪當萬死陛下寬
仁未忍加誅令臣數得執計師古曰數音所愚臣伏
計孰甚不敢避斧鉞之誅昧死陳愚唯陛下省察克
國奏每上輒下公卿議臣初是克國計者什三中什
五最後什八有詔詰前言不便者皆頓首服丞相魏
相曰臣愚不習兵事利害後將軍數畫軍冊其言常
是臣任其計可必用也師古曰上于是報克國曰皇
帝問後將軍上書言羌虜可勝之道今聽將軍將軍
計善其上留屯田及當罷者人馬數將軍強食慎兵
事自愛上以破羌強弩將軍數言當擊又用克國屯

田處離散恐虜犯之于是兩從其計詔兩將軍與中
郎將卬出擊強弩出降四千餘人破羌斬首二千級
中郎將卬斬首降者亦二千餘級而克國所降復得
五千餘人詔罷兵獨克國留屯田明年五月克國奏
言羌本可五萬人軍凡斬首七千六百級降者三萬
一千二百人溺河湟飢餓死者五六千人定計遺脫
與煎鞏黃羝俱亡者不過四千人羌靡忘等自詭必
得師古曰詭責也自以請罷屯兵奏可克國振旅而
還所善浩星賜迎說克國鄧展曰浩星曰衆人皆以
破羌強弩出擊多斬首獲降虜以破壞然有識者以

前漢書

卷六十九

趙克國辛慶忌傳

七

營平處心
積慮都是
三代以上
然有不宣
于三代之
後者此言
是也

為虜執窮困。兵雖不出。必自服矣。將軍即見。宜歸功

于二將軍出擊。非愚臣所及。如此將軍計未失也。克

國曰。吾年老矣。爵位已極。豈嫌伐一時事。以欺明主

哉。兵執國之大事。當為後法。老臣不以餘命。壹為陛

下明言兵之利害。卒死。誰當復言之者。師古曰。卒。卒。

以其意對。師古曰。卒。卒。上然其計。罷遣辛武賢歸酒泉太

守官。克國復為後將軍衛尉。其秋。羌若零離留且種

兒庫。師古曰。且。音子。間反。共斬先零大豪。猶非楊玉首。文穎曰。猶非人。

名也。師古曰。猶非及楊玉二人也。宜紀作酉。非而此傳作猶字。疑紀誤。及諸豪弟澤陽

雕良兒靡忘。皆帥煎鞏黃羝之屬。四千餘人。降漢。封

若零弟澤二人為帥。眾王離留且種二人為侯。兒庫

為君。陽雕為言。兵侯良兒為君。靡忘為獻。牛君初置

金城屬國。以處降羌。詔舉可護羌校尉者。時克國病

四府舉辛武賢小弟湯。克國遽起。奏湯使酒不可典

蠻夷。師古曰。使酒。因酒以。使氣。若今言惡酒者。不如湯兄臨眾。時湯已拜

受節。有詔。更用臨眾。後臨眾病免。五府復舉湯。湯數

醉。酌羌人。師古曰。酌。音。兄。務反。師古曰。酌。字也。醉。怒曰。酌。羌人反畔。卒如

克國之言。初破羌將軍武賢在軍中時。與中郎將印

宴語。師古曰。閑。宴。此。事。不。書。本。傳。印道車騎將軍張安世始嘗不快

上。如淳曰。所為。行。不可。上。意。上欲誅之。印家將軍以為安世本持

使酒尚不
可况貪縱
乎

橐籥筆。張晏曰橐契囊也近臣負橐籥筆從備顧問

囊無底曰橐籥筆者插筆于首橐音丁各反又音託事孝武帝數十年見謂忠

謹宜全度之。師古曰全安而免安世用是得免及克

國還言兵事武賢罷歸故官深恨上書告卬泄省中

語卬坐禁止而入至克國莫府司馬中亂屯兵。如淳曰方

見禁止而入至克國莫府司馬中下吏自殺克國乞

骸骨賜安車駟馬黃金六十斤罷就第朝廷每有四

夷大議常與參兵謀問籌策焉。師古曰與年八十六

甘露二年薨諡曰壯侯傳子至孫欽欽尚敬武公主

主亡子主教欽良人習詐有身名它人子欽薨子岑

雄

嗣侯習為太夫人岑父母求錢財亡已忿恨相告岑

坐非子免國除元始中修功臣後復封克國會孫伋

為營平侯。師古曰伋音汲初克國以功德與霍光等列畫未

央宮成帝時西羌嘗有警上思將帥之臣追美克國

廼名黃門郎揚雅即克國圖畫而頌之。師古曰即就也於畫側而

頌書曰明靈惟宣戎有先零先零昌狂侵漢西疆漢命

虎臣惟後將軍整我六師是討是震。師古曰震叶韻音真既臨

其域諭以威德有守矜功謂之弗克請奮其旅于罕

之羌天子命我從之鮮陽。應劭曰酒泉太守辛武賢

帝使克國共武賢討營平守節婁奏封章。師古曰婁罕开于鮮水之陽也

料敵制勝威謀靡亢師古曰料量也亢當也叶韻音康遂克西戎還

師于京鬼方賓服罔有不庭師古曰鬼方言其幽昧也庭來帝庭也一說庭

也昔周之宣有方有虎張晏曰方詩人歌功廼列于

雅師古曰大雅小雅之詩也在漢中興克國作武趙趙栢栢亦紹

厥後師古曰趙趙勁也栢栢威也克國為後將軍徙

杜陵辛武賢自羌軍還後七年復為破羌將軍征烏

孫至敦煌後不出徵未到病卒子慶忌至大官

辛慶忌字子真少以父任為右校丞隨長羅侯常惠

屯田烏孫赤谷城與歙侯戰師古曰歙即翁字也歙侯烏孫官名陷陳

郤敵惠奏其功拜為侍郎遷校尉將吏士屯焉耆國

還為謁者尚未知名元帝初補金城長史舉茂材遷

郎中車騎將軍朝廷多重之者轉為校尉遷張掖太

守徙酒泉所在著名成帝初徵為光祿大夫遷左曹

中郎將至執金吾始武賢與趙克國有隙後克國家

殺辛氏至慶忌為執金吾坐子殺趙氏左遷酒泉太

守歲餘大將軍王鳳薦慶忌前在兩郡著功迹徵入

歷位朝廷莫不信鄉師古曰鄉讀曰嚮質行正直仁勇得衆

心通于兵事明略威重任國柱石父破羌將軍武賢

顯名前世有威西夷臣鳳不宜久處慶忌之右廼復

徵為光祿大夫執金吾數年坐小法左遷雲中太守

復徵為光祿勳時數有災異丞相司直何武上封事

曰虞有宮之奇晉獻不寐應劭曰晉獻公欲伐虞以宮之奇在寢不寐衛

青在位淮南寢謀故賢人立朝折衝厭難勝於亡形

師古曰厭抑也未有禍難之形豫勝之也厭音一葉反司馬法曰天下雖安忘

戰必危夫將不豫設則亡以應卒師古曰卒讀曰猝謂暴也士不

素勵則難使死敵是以先帝建列將之官近戚主內

異姓距外故姦軌不得萌動而破滅誠萬世之長策

也光祿勳慶忌行義修正柔毅敦厚謀慮深遠前在

邊郡數破敵獲虜外夷莫不聞迺者大異竝見未有

其應加以兵革久寢春秋大災未至而豫禦之慶忌慶忌有牧劉補朱雲二事何不

宜在爪牙官以備不虞其後拜為右將軍諸吏散騎

給事中歲餘徙為左將軍慶忌居處恭儉食飲被服

尤節約然性好輿馬號為鮮明唯是為奢為國虎臣

遭世承平匈奴西域親附敬其威信年老卒官長子

通為護羌校尉中子遵函谷關都尉少子茂水衡都

尉出為郡守皆有將帥之風宗族支屬至二千石者

十餘人元始中安漢公王莽秉政見慶忌本大將軍

鳳所成三子皆能欲親厚之是時莽方立威柄用甄

豐甄邯以自助豐邯新貴威震朝廷水衡都尉茂自

見名臣子孫兄弟並列不甚誦事兩甄時平帝幼外

家衛氏不得在京師而護羌校尉通長子次兄素與
帝從舅衛子伯相善師古曰次兄其字也兄兩人俱
游俠賓客甚盛及呂寬事起莽誅衛氏兩甄構言諸
辛陰與衛子伯爲心腹有背恩不詔安漢公之謀師古
曰說讀于是司直陳崇舉奏其宗親隴西辛興等侵
陵百姓威行州郡莽遂按通父子遵茂兄弟及南郡
太守辛伯等皆誅殺之辛氏繇是廢慶忌本狄道人
爲將軍徙昌陵昌陵罷留長安
贊曰秦漢已來山東出相山西出將秦時將軍白起
郟人師古曰郟扶風王翦頻陽人漢興郟王圍甘
之縣也音媚

廷壽

師古曰圍爲強弩將軍見藝文志郟音於六反郟音質

義采公孫賀傳介


子成紀李廣李蔡杜陵蘇建蘇武上邽上官桀趙克
國襄武廉褒狄道辛武賢慶忌皆以勇武顯聞蘇辛
父子著節此其可稱列者也其餘不可勝數何則山
西天水隴西安定北地處執迫近羌胡民俗修習戰
備高上勇力鞍馬騎射故秦詩曰王于興師修我甲
兵與子皆行師古曰小戎之詩也解在地理志其風聲氣俗自古而
然今之歌謠慷慨風流猶存耳

前漢書卷之六十九 終

前漢書


卷六十九

趙克國辛慶忌傳



文獻通考

關脩齡校



Faint vertical text columns, likely bleed-through from the reverse side of the page. The characters are difficult to decipher due to fading and the script used.



